


# An Chorsaicis

Ón Vicipéid, an chiclipéid shaor.



Canúintí na Cursaicise

Is teanga Rómánsach í **an Chorsaicis**. Tugtar *Lingua Corsa* nó *Corsu* (*fuaimniú*:[ˈkɔr t̪su] nó [ˈkorsu]) uirthi sa teanga féin. Tá dlúthghaol ag an gCursaicis leis an Iodáilis. Labhraítear an teanga sa Chorsaic (An Fhrainc) agus sa tSairdín (An Iodáil). Ta breis is 31,000 cainteoirí dúchasacha ag an teanga sa Chorsaic féin, ach is féidir dearcadh ar chanúintí Thuaisceart na Sairdíne, an teanga *Gallurese* agus an teanga *Sassarese* mar chanúintí de chuid na Cursaicise, agus na canúintí seo á labhairt ag breis is céad míle duine ar fad. Úsáidtear an aibítir Laidineach sa teanga.

## Clár ábhair

Canúintí

An Chorsaic

An Chorsaicis i gComparáid leis an bhFraincis agus an Iodáilis

Polasaí an rialtais

Tagairtí

An Chorsaicis (Lingua Corsa, Corsu)	
Á labhairt:	<span><span></span></span> Sa Fhrainc, <span><span></span></span> San Iodáil
Cainteoirí san Iomlán:	31,000 <sup>[1]</sup>
Rang:	Taobh amuigh den chéad 100
Líne ghinealaigh:	Ind-Eorpais <div></div> Iodáilic <div></div> Rómánsach <div></div> Iodáilice-Dalmáite <div></div> Iodáilis(an Tuscáin) <div></div> <b>Corsaicis</b>
Stádas Oifigiúil	
Teanga Oifigiúil:	<span><span></span></span> Na Cursaice (mar mhionteanga), <span><span></span></span> Na Sairdíne (mar mhionteanga)
Foras Pleanála Teanga:	(Rialtóir ar bith)
Cóid teangeolaíocha	
ISO 639-1	co
ISO 639-2	cos
ISO 639-3	cos ( <a href="http://www.sil.org/iso639-3/documentation.asp?id=cos">http://www.sil.org/iso639-3/documentation.asp?id=cos</a> )
Amharc ar: <span>Teanga</span> – <span>Liosta Teangacha</span>	

## Canúintí

## An Chorsaic

Tá dhá chanúint mhór ag an gCorsaicis sa Chorsaic. Labhraítear *Supranacciu* nó *Cismuntincu* i dtuaisceart an oileáin agus labhraítear *Suttanacciu* nó *Pumuntincu* i ndeisceart an oileán. Meastar gur idirchanúint í canúint Ajaccio.

Tá canúint an tuaiscirt níos cosúla leis an Iodáilis atá á labhairt sa Tuscáin. Tá canúint an deiscirt níos cosúla leis an tSicilis nó an tSairdínis.

## An Chorsaicis i gComparáid leis an bhFraincis agus an Iodáilis

An Chorsaicis	An Fhraincis	An Iodáilis	An Ghaeilge
Benvinuta	Bienvenue	Benvenuto	Fáilte
Mi chjamu...	Je m'appelle...	Mi chiamo...	...is ainm dom
Parlate Irlandese?	Parlez-vous Irlandais?	Parla Irlandese?	An bhfuil Gaeilge agat?
Scusatemi	Excusez-moi	Mi scusi	Gabh mo leithscéal
Bonghjornu	Bonjour	Buongiorno	Dia duit
Grazie	Merci	Grazie	Go raibh maith agat

Mar theanga Rómánsach, tá go leor cosúlachtaí idir an Chorsaicis agus na teangacha Romansacha eile, go hairithe an Iodáilis. Go stairiúil, chreidtí gur canúint de chuid na hiodáilise í an Chorsaicis. Sa lá atá inniú, tá an teanga scríofa an-chosúil leis an Iodáilis ach tá an teanga labhartha beagáinín difriúil. Deirtear go bhfuil an dá theanga intuigthe ag cainteoirí a chéile.

Chomh maith, úsáidtear cúpla "litir" ar leith sa Chorsaicis: *chj*, *ghj* agus *sg*.

## Polasaí an rialtais

Ar leibhéal na bunscoile, múintear an teanga ar feadh trí uaire in aghaidh na seachaine, ach is ábhar roghnach í ar leibhéal na hiarbhunscoile.<sup>[2]</sup>Tá sí riachtanach áfach acu siúd a thagann go hOllscoil na Corsai ce le léann a fhoghlaim. Is ceadmhach an teanga a úsáid leis na húdaráis agus leis na cúirteanna, agus í le feiceáil ar na comharthaí poiblí chomh maith.

## Tagairtí

- (**en**) <https://www.ethnologue.com/language/cos>
- (**fr**) [Dispositif académique d'enseignement de la langue corse dans le premier degré, année scolaire 2010-2011 \(http://www.ac-corse.fr/lcc\\_20/file/1890/\)](http://www.ac-corse.fr/lcc_20/file/1890/)

Aisghafa ó "[https://ga.wikipedia.org/w/index.php?title=An\\_Chorsaicis&oldid=901479](https://ga.wikipedia.org/w/index.php?title=An_Chorsaicis&oldid=901479)"

**Tugadh an leathanach seo cothrom le dáta an 13 Deireadh Fómhair 2018 ag 13:11.**

Tá an téacs ar fáil faoi réir an [Creative Commons Attribution/Share-Alike License](#); féadann téarmaí eile a bheith i bhfeidhm sa bheis. Féach ar [Téarmaí Úsáide](#) le sonraí a fháil.

Trádmharc cláraithe is ea Wikipedia® de chuid [Wikimedia Foundation, Inc.](#), eagraíocht neamhbhrabúis.